

MEMORIA XUSTIFICATIVA

ACORDO DE COOPERACIÓN ENTRE A CONSELLERÍA DE MEDIO AMBIENTE, TERRITORIO E VIVENDA, A AXENCIA DE TURISMO DE GALICIA E O CONCELLO DE SALVATERRA DE MIÑO PARA A REALIZACIÓN DAS OBRAS DE HUMANIZACIÓN DA FORTALEZA DE SALVATERRA DE MIÑO

1.- Competencia

A Consellería de Medio Ambiente, Territorio e Vivenda, creada polo Decreto 58/2022, do 15 de maio, polo que se establece a estrutura orgánica da Xunta de Galicia (DOG núm. 94 do 16 de maio), en virtude do establecido no apartado m) do artigo 13º.1 do Decreto 42/2019, do 28 de marzo (DOG núm.79 do 25 de abril) polo que se establece a estrutura orgánica da consellería, ten atribuída a competencia para a realización de actuacións de mellora de contornas urbanas, de accesibilidade e supresión de barreiras arquitectónicas e de equipamentos públicos que teñan por finalidade a revitalización do territorio e o reequilibrio territorial.

2.- Antecedentes

Este acordo enmárcase na continuada colaboración entre a consellería e as entidades locais da Comunidade Autónoma para a execución de obras e outras actuacións en materia de urbanismo. Para elo, nos orzamentos da Consellería de Medio Ambiente, Territorio e Vivenda para o ano 2022 figura consignación orzamentaria adecuada para acometer a actuación obxecto do acordo.

3.-Finalidade

No apartado m) do artigo 13.1 do Decreto 42/2019, do 28 de marzo, atribúeselle á consellería a competencia para realización de actuacións de mellora de contornas urbanas, de accesibilidade e supresión de barreiras arquitectónicas e de equipamentos públicos que teñan por finalidade a revitalización do territorio e o reequilibrio territorial.

En relación co anterior, unha das liñas de actuación da consellería consiste na colaboración cos concellos para a mellora de contornas urbanas, de accesibilidade e supresión de barreiras arquitectónicas, para aumentar e elevar a variedade e os niveis de servizos destinados a proporcionar unha oferta de calidade axeitada ás necesidades da poboación, fomentando deste xeito o atractivo das vilas e dos núcleos rurais da nosa comunidade autónoma. Polo tanto, atendendo á finalidade da actuación, considerase que forma parte das liñas de acción da consellería definidas no citado artigo.

DIRECCIÓN XERAL DE ORDENACIÓN DO TERRITORIO E URBANISMO
CONSELLERÍA DE MEDIO AMBIENTE, TERRITORIO E VIVENDA

Edificio Administrativo de San Caetano
Edificio número 5, 15781 Santiago de Compostela
T. 981 544 355
sxurbanismo@xunta.gal
www.xunta.gal



4.- Obxecto

O obxecto do presente convenio é establecer as bases de colaboración e cooperación técnica e económica entre a Xunta de Galicia e o Concello de Salvaterra de Miño, que permitan acometer e incorporar ao patrimonio público municipal as obras consistentes na "Humanización da Fortaleza de Salvaterra de Miño".

5.- Fundamentos do instrumento convencional

O Concello de Salvaterra de Miño trata de promover unha actuación consistente na "Humanización da Fortaleza de Salvaterra de Miño", que constitúe a terceira fase do proxecto de "Rehabilitación das murallas".

A actuación conxunta que se vai levar a cabo consiste nunha intervención dentro da Fortificación de San Lourenzo de Salvaterra e o seu obxecto está definido no proxecto de "Humanización da Fortaleza de Salvaterra de Miño" que constitúe a terceira fase do proxecto de "Rehabilitación das murallas". Este proxecto de humanización propón a repavimentación, a revisión de infraestruturas urbanísticas, o soterrado de redes e a dotación de novas infraestruturas urbanísticas na Praza da Oliva e nas rúas centrais do recinto murado de Salvaterra.

Preténdese mellorar a calidade ambiental do poboado cunha actuación xeral nas súas rúas, revitalizando a zona residencial o que fai que a actuación, pola súa finalidade, forme parte dunha das principais liñas de acción da Consellería de Medio Ambiente, Territorio e Vivenda, as actuacións de mellora de contornas urbanas, de accesibilidade e supresión de barreiras arquitectónicas.

Polo tanto, atendendo á finalidade da actuación, esta dirección xeral considera que a actuación forma parte das liñas de acción da Consellería de Medio Ambiente, Territorio e Vivenda definidas no xa citado artigo 13.1 do Decreto 42/2019, do 28 de marzo.

A execución pola Comunidade Autónoma de determinadas obras en réxime de cooperación con outras entidades públicas esixe, cando teñen por finalidade a satisfacción directa de necesidades cuxa prestación corresponde a esta entidades, a posta en marcha de mecanismos que, respectando o marco legal patrimonial vixente, posibiliten a realización das mesmas cos marxes de eficiencia e seguridade requiridos.

De conformidade cos artigos 143 e 144 da Lei 40/2015, do 1 de outubro, de réxime xurídico do sector público, as Administracións cooperarán ao servizo do interese xeral de acordo coas técnicas que consideren máis axeitadas, como a cooperación

DIRECCIÓN XERAL DE ORDENACIÓN DO TERRITORIO E URBANISMO
CONSELLERÍA DE MEDIO AMBIENTE, TERRITORIO E VIVENDA

Edificio Administrativo de San Caetano
Edificio número 5, 15781 Santiago de Compostela
T. 981 544 355
sxurbanismo@xunta.gal
www.xunta.gal



interadministrativas para a aplicación da normativa reguladora dunha materia ou actuacións de cooperación en materia patrimonial, incluídos os cambios de titularidade e a cesión de bens. Concretamente o artigo 143.1 establece: "As administracións cooperarán ao servizo do interese xeral e poderán acordar de maneira voluntaria a forma de exercer as súas respectivas competencias que mellor sirva a este principio.

Estas relacións de cooperación, que requiren a aceptación expresa das partes, se formularán en acordos dos órganos de cooperación ou en convenios nos que se preverán as condicións e compromisos que asuman.

O artigo 48 da citada Lei de réxime xurídico do sector público establece que as Administracións públicas e os organismos, no ámbito das súas competencias, poderán subscribir convenios con suxeitos de dereito público, que deberán mellorar a eficiencia da xestión pública, facilitar a utilización conxunta de medios e servizos públicos, contribuír á realización de actividades de utilidade pública e cumprir coa lexislación de estabilidade orzamentaria e sustentabilidade financeira.

Polo exposto, estímase xustificada a utilización do instrumento do convenio para articular as actuacións de referencia, quedando o devandito acordo fora do ámbito de aplicación da Lei 9/2017, do 8 de novembro, de contratos do sector público.

Para a tramitación do convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela, na data da sinatura

María Encarnación Rivas Díaz, Directora xeral de Ordenación do Territorio e Urbanismo

DIRECCIÓN XERAL DE ORDENACIÓN DO TERRITORIO E URBANISMO
CONSELLERÍA DE MEDIO AMBIENTE, TERRITORIO E VIVENDA

Edificio Administrativo de San Caetano
Edificio número 5, 15781 Santiago de Compostela
T. 981 544 355
sxurbanismo@xunta.gal
www.xunta.gal

